



Broj: 09-33-3-2568LD/17
Sarajevo, 21. 11. 2017. godine

23-11-2017

Stivio

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo obrazovanja i nauke
Dr. Ante Starčevića bb
88 000 Mostar

BOSNA I HERCEGOVINA
REPUBLIKA SRPSKA
Ministarstvo prosvjete i kulture
Trg Republike Srpske 1
78 000 Banja Luka

BOSNA I HERCEGOVINA
BRČKO DISTRIKT BOSNE I
HERCEGOVINE
Odjel za obrazovanje
Bulevar mira 1, 76 100 Brčko

**PREDMET: Program „Radi i putuj u toku ljeta“ (Summer Work and Travel program) –
informacija, dostavlja se, dalje postupanje, traži se**

Poštovani,

Program Radi i putuj u toku ljeta (Summer Work and Travel program) je tip J-1 kratke neuseljeničke vize za razmjenu posjetilaca koji pruža mogućnost studentima da uspostave direktan kontakt sa građanima Sjedinjenih Američkih Država, iskuse američku kulturu, te proputuju zemljom baveći se sezonskim poslovima tokom svog ljetnog raspusta i tako obogate novim iskustvima i znanjima svoje studentske dane jednim nezaboravnim doživljajem.

Program je otvoren za studente sva tri ciklusa visokoškolskog obrazovanja koji su upisani u tekuću školsku godinu. Iz zemalja regije: Srbije, Crne Gore, Makedonije i Hrvatske, u ovom Programu svake godine učestvuju desetine hiljada studenata, a prošle godine je 130 000 studenata otišlo u Ameriku preko *Work and Travel* programa.

U okviru ovog programa, studentima je obezbijeden posao po njihovom izboru (sa liste ponuđenih) uz potpisan ugovor o zaposlenju, te smještaj u Sjedinjenim Američkim Državama u periodu od četiri mjeseca tokom ljeta, odnosno, od 23. maja do 30. septembra.

Troškove pronalaska poslodavca, smještaja, avio karte i vize za Sjedinjene Američke Države snose sami učesnici.

Najmanja satnica je propisana zakonom u Sjedinjenim Američkim Državama. Zakonska obaveza poslodavca je da plati sve strane radnike jednako kao i radnike iz Sjedinjenih Američkih Država. Satnica je precizno definirana ugovorom koji učesnik sklapa sa poslodavcem prije nego što otputuje u Sjedinjene Američke Države.

U Bosni i Hercegovini postoji šest agencija koje su autorizovane od strane Američke vlade da budu spona između studenata i sponzorskih agencija koje im pronalaze zaposlenje u Sjedinjenim Američkim Državama. Svi poslodavci i sponzorske agencije u Sjedinjenim Američkim Državama su provjerene od strane State Department-a.

U prilogu dostavljamo listu agencija sa svim kontakt podacima, uz napomenu da krajnji rok za prijavu ovisi od agencije do agencije i u rasponu je od 1. februara do 15. aprila 2018. godine.

Poštujući zakonski regulirane nadležnosti u oblasti obrazovanja u Bosni i Hercegovini, najljubaznije molimo da predmetnu informaciju učinite dostupnom visokoškolskim ustanovama iz Vaše nadležnosti.

Federalno ministarstvo obrazovanja i nauke molimo da u skladu sa svojim nadležnostima po navedenom pitanju informiše vlasti na nivou kantona.

Od autorizovanih agencija je moguće dobiti promotivne materijale u vezi Programa, a imajući u vidu da je riječ o mogućnosti sticanja iskustva koje je nedovoljno iskorišteno od strane studenata iz Bosne i Hercegovine, ljubazno molimo da ukoliko visokoškolske ustanove trebaju dodatne informacije ili žele organizirati prezentacije, da se direktno obrate ili agencijama sa liste ili Američkoj ambasadi u Sarajevu (sarajevoVisas@state.gov).

S poštovanjem,



Prilog:

- kao u tekstu (1 strana)

Dostavljeno:

- naslovu

- a/a

Predmet: Program „Radi i putuj u toku ljeta“ (Summer Work and Travel program)-
informacija, dostavlja se, dalje postupanje, traži se

Poštovani,

Program Radi i putuj u toku ljeta (Summer Work and Travel program) je tip J-1 kratke neuseljeničke vize za razmjenu posjetilaca koji pruža mogućnost studentima da uspostave direktan kontakt sa građanima Sjedinjenih Američkih Država, iskuse američku kulturu, te proputuju zemljom baveći se sezonskim poslovima tokom svog ljetnog raspusta i tako obogate novim iskustvima i znanjima svoje studentske dane jednim nezaboravnim doživljajem, na najpopularnijem studentskom programu u Bosni i Hercegovini.

Program je otvoren za studente sva tri ciklusa visokoškolskog obrazovanja koji su upisani u tekuću školsku godinu. Iz zemalja regije u ovom programu učestvuju desetine hiljada studenata, a prošle godine je 130 000 studenata otišlo u Ameriku preko Work and Travel programa.

U okviru ovog programa, studentima je obezbijeden posao po njihovom izboru (sa liste ponuđenih) uz potpisan ugovor o zaposlenju, te smještaj u Sjedinjenim Američkim Državama u periodu od četiri mjeseca tokom ljeta, odnosno, od 23.maja do 30.septembra.

Najmanja satnica je propisana zakonom u Sjedinjenim Američkim Državama. Zakonska obaveza poslodavca je da plati sve strane radnike jednako kao i radnike iz Sjedinjenih Američkih Država. Satnica je precizno definisana ugovorom koji učesnik sklapa sa poslodavcem prije nego što otputuje u Sjedinjene Američke Države.

Naša agencija radi na ovom program već deset godina uz punu podršku Američke ambasade u BiH, što će vam rado svjedočiti Konzularni odjel Ambasade koji možete kontaktirati na SarajevoVisas@state.gov. Pomoću naših usluga u Sjedinjene Američke Države na Work and Travel program je otišlo preko nekoliko hiljada studenata.

Međutim, u proteklih godinu dana postali smo svjesni jednog problema sa kojima se studenti suočavaju na Univerzitetu u Sarajevu, a to su termini ispitnih rokova. Ovaj program predviđa odlazak učesnika na progam najkasnije do 15.6. tekuće godine, a povratak je najčešći sredinom septembra, početkom oktobra, što se poklapa sa terminima ispitnih rokova. Iz tog razloga, mnogi studenti ili ne žele da se prijavljuju na program ili rizikuju da izgube godinu. Kako smo postali svjesni tog razloga, željeli bismo Vam predložiti sljedeće:

1. Da profesori na svim fakultetima na Univerzitetu u Sarajevu, izađu u susret studentima koji apliciraju na program tako što bi im se dozvolilo prijevremeno polaganje ispita. Dakle, sa jasnim dokazom, tj potvrdom o apliciranju na program, koja bi bila dostavljena svim profesorima na uvid, student bi imao mogućnost polaganja završnih ispita prije roka, samim tim i mogućnost učestvovanja na programu u punom intezitetu. Ono što je bitno jeste da se ovdje radi isključivo o polaganju završnih ispita iz ljetnog semestra, dakle prije odlaska na program.
2. Druga mogućnost bi bila omogućavanje polaganja ispita studentima online, tj. Putem distance learning u redovnim terminima ispita, za fakultete na Univerzitetu u Sarajevu koji su to u mogućnosti da organizuju.

Naša agencija bi se obavezala da vam dostavi spisak svih studenata sa Univerziteta u Sarajevu koji su primljeni na program, kao i neophodnu propratnu dokumentaciju (ugovore, kopiju povratne karte, kopiju indeksa i ostalo po potrebi), te da istu proslijedi i na matične fakultete studenata, kako bi imali tačne podatke o studentima koji će učestvovati u programu. Takođe vam možemo dostaviti i kopije dobijenih viza naših studenata. Ukoliko bi još nešto bilo potrebno s naše strane, o čemu još nismo razmišljali, molim da nam javite.

Ukoliko biste željeli da organiziramo neki sastanak na kojem bi Vam približnije pojasnili detalje, mogućnosti i prilike koje ovaj program pruža, kao i koristi za učesnike, te i sam Univerzitet u Sarajevu, mi, kao i naši partneri iz Američke ambasade u BiH bismo rado pristali na isti.


Experience Work and Travel

Maglajska 1, Hub 387

Kontakt tel: +387 65 359 396

Website: experienceusa.ba

S poštovanjem,



Jovan Jelic